

茂邊紀事

金聲玉振集

邊防

長洲

朱統

初諸君之徵詞為茂州參將周繼勳贈也統以邊  
隅學者不知四六之體乃戲為此而感時叙事不  
覺盡吐所懷內翰玉壘王子見之節去首尾為全  
勝樓記入威茂誌愚意記體非似且不欲泯其顛  
末因稍增定為茂邊紀事

嘉靖丙申季春乙丑護林茂州驛名之北來遠豐溪所之驛名

南長寧古驛之墟長寧驛今廢為堡有提督官戍守穆肅兩河之會

穆肅堡名兩河會其下極險隘南北糧運必經之地有戎不軌倡自三溝深溝淺溝

板區  
(公分)

17.3 x 12.9

02222  
/册

國立中央圖書館藏善本			
書碼:	史部雜史類明之屬		
書名:	茂邊紀事		
著者:	明朱統撰	一卷	一册
版本:	明嘉靖間刊金聲玉振集本		

渾水溝皆番寨名羣醜弗威陰連二姓大姓小姓稔克殘于殺越

肆睥睨于轉輸神矣梟鴟作慝惟窺日入秘如鬼域

欺人至擬天驕急峽鯨奔呼吸繫千人之命重關櫛

比安危引一髮之鈞天意伐謀地鄰告變時報三肅

山水磨兒立賴子高黃脊魚凡十寨周郎分閩參將

夜伏兩河口上下期以來朝劫運周繼

勲夜傳銅虎之符龔尉名家長寧提營早試金蒲之

鏃羣饗大沮一芥不遺兕出桺而猖狂豕負塗而躑

躑嬰此方張之寇四路無雙動皆以律之師三城有

侍賊既失望則反攻長寧純力主戰警聞參府建節

星馳周繼令下岳希刻期雲谷岳希遂長累官都督

何無忌之策勲獨將遊兵杜諸公之敵愾松州遣騎

臨翼移屯時總兵何卿守松潘遣方和何禮輩援乃

控上游互為策應蜀山吠日百爾隨聲周轍驚霆紛

如怒臂外結河西諸部日擾邊陲河西巴猪黑水曆

寧內要山後諸酋徑趨我闕茂州山後羅多魏磨白

核桃溝諸寨攻茂州積威攸劫競傳市井訛言故態復萌追咎

棘門惜賞各寨歲賞長寧略費銀一萬三千壘溪路

總兵何卿平五寨乘威盡革之止循故事存銀一千

七百有奇量犒酒肉而已至是賊以為辭博者從而

和所賴九重神笑炳在琅函時惟兩院英名茂流錦里才兼

將相河陽潘岳之孫大中丞方塘潘公風樹紀綱吳郡陸機

之裔洲陸公芻蕘並採臂指相通遂收渙而定疑聿

勸忠而鼓銳三溪設險可壑可城三溪自東路流出至茂城北山前合

流入六哨分工且矛且鍊臺因山澤圖永逸於暫

勞陣寄鳥雲鎮大焚於至靜山後諸酋頻年犯茂城官軍閉門講賂而已至

是相地於三溪出師分據之衆無固志命即地為城西起岷江東極山巔東臺名之曰鳥雲山墩西臺名

之曰鳥雲澤墩應兵隴水一戰枯摧梟俊黑橋羣奔

瓦解城僅起數尺賊奄至衆倚為固隴木長官司坤

退核桃再熾達觀花水之遺龍箭夾持進扼燕崖之

隘先人默奪劇寇潛遁賊既退志甚大聚于核桃溝誓衆肅隊將再入辰時新城

漸高乃分兵進據北山各守要害期賊至伺間道於

夜泗坐收要害時賊暗糾五寨為亂獲細奸於時出

巧中機宜旌旗與白日交輝號令為雪山增重縱橫

應敵三軍不損一人遠近執俘一月豈惟三捷腰金

貴介獨馳不測之巔手刃元克兩奪群攻之具虜公

尤烈脅從皆降初賊犯茂為四月三日長寧亦以是日受攻幾陷龔銳身先士卒馳千仞

顛崖斬哭竹巴奪其七梢砲而還惟彼深溝猶茲跋

扈千仞翔而弗下藺石為驅萬夫蕙爾莫前常山阻

絕深溝恃險惟據高下石長寧去穆肅僅十里不相聞矣老師非計密使與權

昭物采以犒軍侈壹漿而屬道狼貪可笑其心葛伯

之邀鳩毒有懷駢首中山之臥荆棘介然成路叱咤

生風桑榆藉此收功譎張虧篲四月二十四日遣使

言穆肅騎軍出深溝寨下賊爭奪酒羣飲之尋中

死傷無數官道遂通將率龔銳輩擣其巢穴周繼勳

力沮光韜巨闕舌戟爭銛敵樹蕭牆筆鋒禦侮外皆

辨且促何卿來會公移私劄往來百計斷案得中

丞之斧辨失儀秦突圍迎驃騎之鞞權交平勃既參

而伍乍合而離五月十八日統至長寧迎何卿反覆

散密期二十八虛實相形正奇互用鑿山通徑故左

道以傳疑卷甲銜枚忽中宵而乘懈懸崖壁立未遑

鄧氏之壘分部蟻登函樹漢家之幟盡連石於一炬

燭萬劫之遺筮數雜虜於橫戈刷千工名崖之深耻期

純與周繼勳至自茂州何卿杜欽至自豐溪部分指

揮李嵩兵屯神溪滿龍振兵屯刀溪滿高智矣屯燕

兒崖曹景兵屯魏磨墩各為進擊之狀留周繼勳屯

韓胡堡維舟江濟為欲渡之勢以綴二姓援賊之衆

留高黃脊魚降者于穆肅諸堡以杜往來傳報之奸

龔銳分兵由長寧上門路指揮蔣啓兵繼之坤兒卜

坤元兵由長寧後山路法保繼之指揮曹克新兵由

兩河口路長寧安撫司兵由長寧下門路杜欽兵由

穆肅山路俱夜半銜枚緣崖而上凡越三嶺未明抵

深溝寨襲殺守者合圍之焚其礮一百八十餘座火

三日不絕何卿泊其子何希亮周繼勳杜欽各營其巔為進擊淺渾之規淺渾伊邇一夕

亡唇老稚相携四山崩角事懲姑息恢張擒縱之規

亂問厥由克制短長之命衆輸心而悔罪爭縛渠魁

至斷指而析恩壹遵約束淺渾乞降不許獻甲獻牛

人渾水縛送二人斬于軍前與深溝餘黨俱貢  
方物來降願受約束有斷指截耳以自誓者 剗牛  
 泉杪飼馬雲端斲息仰天之窩勒銘張口之石月初  
 建未日則先康黑水再清漢關重關壯士歌而崑崙  
 應妖氛淨而牛斗光備哉主帥之功展也多賢之輔  
 智慧信惟乘勢號咷終有同人徵調無煩旁縣不聞  
 金華公私大省居民盡仰併蒙  
先是三司會議調合省之兵機書發而捷  
 至彼媚嫉者何為竟捷幡乎何為嗟乎夷狄古無深  
 治兵家未有常形處置得宜韓輿取捷忠邪易位陳  
 整為夷慎蕭氏之金甌白茅斯重碎范增之玉斗瓦  
 礫何殊語要無他任人而已逆歷年之多難慨當事

之寡謀舍耕織於專門玉人受教徂採樵於近利天  
 險爭雄千里徵兵驅市人而浪戰一言遣將率弟子  
 以輿尸野心從此日驕士氣至今不振或吹壑而過  
 計每破釜而失聲各出納於平時急撫和於臨陣堂  
 堂中國不羞城下之盟趙趙武夫盡剗心頭之肉校  
 人飾詐謂彼昏而不知析父招尤慘多瘡而罔詔馴  
 致邇年之禍無如五寨之深  
鷲兒雞公刀農鳥都鵠 江山助彼  
 金湯道路出其門戶防秋死別一戍數千來歲生還  
 什無四五擢髮已窮于甲士褫衣不免于戶侯  
所謂千工  
 深取彼美督軍呈身三宿  
高智提督長寧時為賊有誘拘三宿四百金乃挽

雄驍騎遮道千金遊擊鄴爵阨於魏磨覘我垣墉白

若戍人肘腋有山如障來則高巢有坎如隍履同平

地孤城鞏固誰開近賊之門福將尊榮莫究折衝之

志蒙葺北郭牧唱吞聲茂城北門外田數千咫尺西

橋鬼門騰號茂城西門外鎮狗彘貴於人命嘗寧堡

犬衆賊來攻得人命錢乃散豺豺賊若草菅章璽稔亮神人共憤

章璽茂衛指揮因誘賊要仵勲死事日月為昏長寧堡百

戶作勲為

帝聞腥旋轉廓清之運元臣秉鉞鑿開混沌之天

癸巳之舉時會計用兵之罪惡貫盈宜俾根株悉

二十萬調合省兵數萬

拔險膚起信乃惟旦夕邇圖猩血猶爭虞旌倏下秦

皇失措馬高已死之金喪亂既平人惜有功之梲律

兒鮮體髦士弼擔乙未秋統承乏承殊類杞憂環視

漠如越瘠言猶在耳戎復生心試觀四起之塵夫豈

一朝之故及今不戒尚事因循厥禍長流將何紀極

彼其之子束高閣乎幾年亦獨何心壞長城乎萬里

塞曾諸難未聞決策聳人銷骨巧詞祇見幸災樂禍

身如謀國何嫌殿上之爭賊已渡河尚作道傍之舍

百年之筭肯斂手以推棊六月之師但駕言於揮扇

肩山欲蹶腹劍反攻太阿不識倒持宏詞何用手板

已看倒執高論猶存嗟乎內有讒夫外多勍敵阪高  
難合息壤無盟肘雖掣而力自前踵未旋而亂逆定  
人見田單厲氣遂收三月之功孰知神禹至誠會奏  
七旬之格豎儒幾敗乃事炎德方隆蔡功惟斷乃成  
名賢在位匪人匪地惟動惟天蓋忠良不病於扼腕  
斯夷虜無憂於猾夏天冠地履自循萬古之常秋殺  
春生孰爽四時之令是非如鏡賞罰快人英雄有樂  
死之心沙漠盡宣威之地嗟乎室家安枕所重藩籬  
七劑奏功寧辭眩靡監莫非王事匪躬乃見王臣  
戎塞歸驂耆老齋漢宮之涕青萍長價將軍全報主

之身柘府持衡宏啓清平之宴兩院開宴名曰清平玉堂秉筆

大書全勝之樓

玉壘王元正

白面何能躬逢盛事彤弓載

咏共醉佳辰念一時共事之情成百折不回之義有  
痛更深於定惟亡乃保其存爰紀諸艱再申百韻

紀事絕句五十首

誰將全勝榜高樓太史毫端走素虬五十餘年無此

捷三溪迴合大江流

丙穴嘉魚來入饌山椒歸馬賦平羗綺羅色動三城

戍笳鼓心蘇百戰場

將軍片紙活千人藩屏三州護百困回紇未傳單騎

至匈奴已識漢兵神所謂周郎銅虎之符龔尉金蒲

與以

獨守孤城抗賊衝連旬血戰爾何雄他時掃蕩妖氛

爭首論睢陽保障功慰龔龔銳所謂嬰此方張之寇動皆以律之師也

河東復構河西賊小姓兼為大姓謀銀鏹紛紛俱散

盡入傳木刻到松州番寨糾黨以銀鏹為質以木刻為信

漢關周道盡狼烟猛將提兵去未旋白日淘淘文武

地黃埃滾滾犬羊天時周繼勳駐長安茂城聞山後諸酋入寇上下震怖

馬度三溪宿霧開雲中指點破羣猜高山有險無人

守城下長年縱賊來所謂三溪設險六哨分工也

犒士長安策馬回即看群賊蔽山來揮鞭列陣須臾

定匣劍韻弓次第開賊至挿旗寨紘自長安馳回拒守已而繼勳亦至營于法保寨

黑橋不省鴉兵至黠虜輕趨細柳營結綠寒鋒割賊

首縷金明甲獻新城賊趨周繼勳營坤兒卜伏兵黑橋斬賊首突卓獲其甲皆縷

金為飭賊衆遂潰所謂一戰枯摧羣孽瓦解也

逋酋折趾怒橫戈再煽腥風出魏磨虎帥營中看制

變燕兒崖下好張羅所謂桃再城進死燕崖也

核桃溝裏數千群半月逡巡竟不聞却說往年山下

路遊戎曾此覆三軍遊擊張傑先年陷於核桃溝茂軍損三之二所謂士氣至今不振也

也



千仞巔崖起七稍雙龍飛度斬天驕若非風送雲中

寫應是神驅海上橋慰龔銳所謂獨馳不測之顛兩奪群攻之具也

復道長寧收曆日兼聞實大殺巴豬今朝叱咤千人

廢前日將軍一紙書

賊技初窮祇據高一夫驅石萬夫遭解圍賸有平城

計取醉何如公瑾醪所謂狼貪可笑

黃昏連寨死傷餘鳴劍長驅定釜魚百尺竿頭難進

步鴻溝養虎計何如詰周繼勳

群疑錯認武陵蠻投筆凋傷猛士頽馬革便須圖死

報玉門何必問生還



元戎整隊下松州兩將雲從萬弩道虎翼翩翩旌幟

動狼心乙乙網羅收時參遊以下知內外不協漸成觀望何鄉既至怯者勉而勇者奮矣

神溪溝入刀溪口青草山連黃草坪面語才賢須耀

武目知竒正好論兵論李嵩輩

征戍常年悲巷哭今朝出塞引兒嬉鎮西橋外三軍

氣兵未交鋒勝負知慰蔣啓輩

鳥雲山澤自逶迤從此諸番不敢窺便有橫磨兵十

萬城中供億了無期師出望新城自慰

春來烏合動盈千左右支撐竟帖然千慮本無韜畧

在孤忠或有鬼神憐

西山西望更無天雪嶺參差六月寒莫謂浮雲能蔽

日馬頭旗影是長安安堡

韓胡正控諸蠻會堅臥煩君一枕當赤壁孫黃俱俊

備詩家千載頌周郎是夜固留周繼勳于韓胡堡

穆肅山高雲袞開奇兵須聽疾如雷當年王濬收歸

命為有江陵杜預來寄杜欽

韓胡滅火肅宵征峽影星光水暗明軍校相逢問車

騎勿云馬上有書生是夜別周繼勳潛行二十里甚

行達長寧

北來神使速精兵珍重將軍許馬迎與報駑駘筋力

健長寧早已駐新營報何

夜半營中傳令發平明碣寨化為烽深山不識擒戎

計驚問天門下幾重所謂分部蟻登連碣一炬也

先鋒一劍斬樓蘭遂定盤雲虎豹關天子征遼功萬

級何如三箭定天山

最險深溝一夕平淺渾連夜自相驚將軍只共三軍

宿火滿前山赤幟明所謂恢張擒縱之規也

輸甲輸牛未許降渠魁駢首伏鈿鉞群山萬落魂銷

盡始信

朝廷有憲章所謂輸心悔罪

當年此地見蠻酋三日天兵不敢收都尉急傳犀角

陣中丞親上北城樓此後追紀曆年之難及近日任

北郭賊散出其左右率數步一人矢無虛發名曰滿

天星官軍露宿三日有獻計者作犀角陣一向北門

山頭亂水背村流血染平原草木愁城下咆哮雷退

甲江邊澡洗問椎牛賊常年攻茂城索退甲財物謂

牛酒財物謂之洗澡錢

種菜為園尚有數可憐孤注杜壇村深山狐跡時當

道斜日人家早閉門茂城北郭外有杜壇村土民居

園數頃築菜園

群寇忽犯邊城戍話我曾傷賊一人壯士伏誅圖不

解悍弄來坐棄屍辱錢戎舊事有軍人射殺一賊

軍賂而謝之賊不退遂斃本軍于獄

三年羸却抵羊角一死猶輸人命錢獨有我軍如土

芥幾千溝壑更誰憐堡軍嘗與賊爭三年

天險神功臣斧開何人喚取大棺材江聲入夜如雷

吼應是山靈怒氣來漢關墩北有大壑常年軍死

塊肉瓶漿作備年何人一費萬三千草黃山瘦春無

色應是民膏歲月賸先時賞番惟瓶酒塊肉而

羊腸鳥道一絲懸路並江聲入汶川天險不殊風教

異諸君惟問賞番錢自疊茂盡汶川境透迤千里皆

民最淳恪供賦役

長寧來遠舊征徭剝盡軍儲禍未銷當局好論先後

着江山隨處有揚公要賞諸寨舊皆長

常言投拜本相愚薦屢轅門入壯圖獨有宋家金帛

賤盡將閩廣付強胡

驅石如神賊技長騰雲流火亦相當欲行戎禍惟威

信何事臨危議撫降邊軍火箭

從來作舍道旁難抗論孤危血淚殷今日論功誰第

一都臺霜斧重於山

所謂斷案得中丞之斧辨失儀秦也

充國謀成惟魏相樂羊功就屬文侯誰將一死酬知

已曾母當年杼亦投

重賞真看有勇夫何如厮養濫吹竽絕憐三月經戎

費不及供邊半月需茂邊月給該銀九千有奇

此意參差竟未如荊州木屑總堪儲君看百費今狼

籍盡是年來節省餘物意欲大簡邊軍易以

山肩旋覺臨邊重肉眼相看亦外輕休詫

君門違萬里會城翹首即春明

兵神却說邊情易入險何如蜀道難塞外將軍猶草

食櫪間嘶馬自雕鞍

何事功成將亦疑羽書初定尺書馳古來文士多高論不向軍前賦一詩

萬丈雲霾孤絕地一宵風雨再生天邊關呼吸無人見惟有空山瀑布懸

推棊誰爲羊都督褒詔空憐悉怛謀不獨平吳煩聖慮西戎自古廟堂憂

賜進士出身中順大夫四川按察司副使奉

勅整飭威茂兵備兼理糧儲長洲朱統撰

靖柔篇

維皇祀十有五年春三月維州逆西長寧穆肅弗靖諸番肆毒將校有警邊鄙再變虜情叵測我兵憲秋崖朱公以監司整飭爲至慮勤勞謀畫調度制馭於是按險隘以嚴斥堠誓介冑以精技射處錢穀以備給餉詰攻守以定竒正懸賞格以速鬪志乃總戎栢村何公以松城至遊戎杜公以疊溪至而叅戎周公則朝夕從事惟謹者也於是督四路之令與六月之師掩襲誘伏攀捫驅躡士各用命諸酋震恐縱炬焚淺深之溝血刃殲渾水之寨豺狼宵遁草木皆兵羸孽邏拜渠魁授首遂全師以歸長寧侯群醜而來效

順是役也以謀則審以兵則寡不費官帑不煩有司  
振旅靖寇我秋崖公之力其可少哉是故慎雲中之  
調者其敵過計先零之宜者其圍固資瑩絳之將者  
其機成矧才以御衆氣以宣力智以濟變威以佐德  
我公之偉績盍亟於聞

上哉栢村公輩將奏報勒銘而遠屬五石子以爲言  
五石子曰謀貴獨斷兵貴萬全昔者庸蠻叛楚阪高  
之後勢將徙遷獨大夫蒞賈謀以決戰當時潘旣感  
奮師會臨品闢椒至自石谿子貝至自仞道群蠻就  
盟庸見滅焉是故秋崖公之策爲賈之善也諸公戮

力揚三子之恪命也敢不欣躍以申義而爲之歌曰  
苞鳳鳴治兮海內毓靈法星應會兮西土冒臨公當  
鎖鑰兮 王心載寧維州告急兮番酋煽腥憲度嚴  
明兮壘堞先聲將校鼓勇兮士卒銳精騎角夾攻兮  
石莽崩騰氣奮膽張兮電掣雷轟矛橫戈揮兮兇逸  
蜺奔寨礪烈焰兮霧散星分俘獲克捷兮掃穴犁庭  
公速下令兮納疑全生戎心誰逞兮懾威稱神玉壘  
增光兮樹績策勛汝水澄波兮飲馬洗兵嗟公談咲  
兮樽俎干城仰公熟籌兮萬世法程陋彼漢唐兮徒  
務縱橫願紆

主憂兮克廣德心

嘉靖丙申歲六月望後二日

賜進士出身承德郎雲南道監察御史成都五石李鳳翽頓首書于青羊少室

朱憲使平三溝蠻或問

或問曰夫朱憲使何以克三溝蠻也山人曰夫朱憲使得所以克蠻之道惟時而已者也夫雲行雨施萬物育焉嚴霜厲風萬物剝焉天時也夫夷狄順我則恩以撫之逆我則威以勦之人時也是故取諸天時以察其變取諸人時以究其成時撫則撫時勦則勦

恩威以時道其丕烜君子之能事也尚其明不疑于所慮持其剛不怵于所之是故以整諸邇則不焚以禦諸遠則不攻以理諸天下國家之大則無不利匪明則疑其征凶也匪剛則阻不可以大事也惟明惟剛與時偕行憲使其善學君子者乎哉其蒞茂也以諸克蠻之道詢諸守令焉詢諸將領焉詢諸鄉士君子焉其告者不曰撫則曰勦不曰勦則曰撫又有曰在不撫不勦之間于是仰觀俯察按其圖籍審其地險究其夷性釋其廢言變而通之其蔽撤化而裁之其偏舉曰我有所取之矣其惟時乎所謂隨時變易

以從道也予嘗受諸易矣且

龍勅在函誥告惟明憲臺百尺泉峻而凝濟濟三軍如羅如熊筑筑小民云胡不寧蠢蠢蠻首肝腦雷霆是故有備無患先事也難而苟違曠厥責也功則歸已虞則推人匪我志也時惟蠻衆伏戎于莽突如躍如其來紛如矯虔攘奪自于天殛憲使赫怒時哉不可失矣是故童牛之角時宜牯之高墉之隼時宜射之播令于衆徵兵于土氓綴其行伍簡其犀銳合群離而一之不以勞遠蓋取諸渙甲朽鋒折曷以赴敵除其戎器無有不善蓋取諸萃用命有厚賞不用命

有常罰諄諄然命之蓋取諸巽築郭于郊北所謂設險以守其國蓋取諸坎騰檄于中丞所謂外比于賢以從上也蓋取諸比抗言于三將軍誓諸神明示以肺腑蓋取諸同人出以律行以糧從殪蠻于黑橋殄于長寧收長子之捷無輿尸之虞蓋取諸師蠻泣降于野慄慄若就死地赦過宥罪邦有常典從之蓋取諸解夫惟明以通其時夫惟剛以乘其時通則其業新矣乘則其譽遠矣君子之能事備于憲使矣或曰明之失察剛之失厲亦能末業而終譽乎山人曰明可貴也而晦爲難剛可貴也而克爲難是故憲使能



以來終也蓋取諸謙觀其班師而還告諸人曰主持  
擬議是惟中丞潘公之力張弛有方左右得宜是惟  
都督何公之力捶阨批亢無縮氣有毅聲是惟周杜  
二將軍之力某何功焉易曰勞而不伐有功而不德  
厚之至也又曰謙尊而光卑而不可踰君子之終也  
是故可以迓晉接是故可以衍泰祉是故憲使能以  
未終也于是乎知時易之道也剛而明易之德也謙  
德之柄也受易之益大矣適庠文學暨諸鄉士君子  
至謂山人曰憲使克三溝蠻也雲雷經綸擊蒙禦寇  
旅無二矢之亡力鮮二年之憊道路康衢我民枕席

憲使之賜弘矣凡我編氓受而謏乎惟需言以彰群  
志山人遂以答或人之言書諸軸以獻諸憲使而曰  
或問

嘉靖丙申孟秋中旬日玉壘山人王元正撰

平番詩序

嘉靖十有五年六月憲伯朱公平番夷于深溝八月  
拜送巡撫潘公于叙過嘉時司諫彭子汝寔方住閑  
鳳韶亦謫下僚公以同年故招之燕于凌雲禮意獨  
至君子曰古道不在茲乎彭子因出平番詩數章美  
朱公也鳳韶讀而嘆曰美哉茲功不獨在一方在

杜稷也夫番夷之爲國患也寔當襟喉非若北虜  
生長草地無預中國可以置之度外者也然連年以  
來恩褻于歲賞威損于撫和馴至今日殺擄我人民  
阻截我糧運攻襲我城堡望我贖取挾我賞賜勢將  
不戢公問其策武人曰撫乎公曰已誤不可再也於  
是乎舉兵然則撫中寓勦乎公曰不信何以任人于  
是乎一於勦然則遂進乎公曰不守則不戰于是乎  
砌城垣然則何以勦乎公曰不困則不下于是乎焚  
其礮寨取其田禾然則盡勦乎公曰獻其馘斯止矣  
于是乎誅首惡而什脅從一十餘寨望風底平然則

厚賞乎公曰厚賞將不繼禍之始也于是乎節歲賞  
君子是以推公之善謀也不損威不褻恩不失信不  
傷仁不惑危言不急近功故曰不獨在一方在社稷  
也昔申伯崇德宣力四方爲周藩翰尹吉甫作詩以  
爲頌彭子之意不在茲哉鳳韶因序之以告於司邊  
計者

嘉靖丙申九月壬午麻城毛鳳韶謹書

平番十曲有叙

威茂松疊蜀西山警地也羌番爲難古無寧時西南  
實苦之憲臣經戎武臣承敵少有異同動成牽制而

卒以債事者徃徃也嘉靖丙申春諸番構煽阻道要  
賞大肆攘虞我秋崖朱憲伯實定幄中之謀兩臺諸  
司無不盡一將領用命士飽馬騰三月而成西山之  
功川之南北得無震隣之恐所在謳吟况我年雅身  
被霑濡者乃不能為里人致一言以志不忘乎  
一賞糜軍一歲租何人捐此百年痛嘉州可惜岑參  
老無句歌吟封大夫

委質羗酋累乞盟鎮西合築受降城馬前盡獻描金  
甲吹徹鳴笳瘴月清

旄頭落盡將星高羽扇綸巾富六韜柵砦硯房俱火

獵瘴烟千里徹

一道威名重兩寧瀆江安下雪山開夷歌雜采成番

樂朱徽原兼文武材

先生有平  
昔諸什

丁玉常清位望同西南徼外一丸封雪山已為先生

重不數天山早掛弓

丁封二夫皆有遺績  
在邊時以擬先生者

寶劍新彈鷓鴣光照人寒色曉飛霜諸番已落當時

膽嚙指于今敢架梁

架梁番人守  
隘乘高之語

霜風夜襲鐵衣寒鼓吹鉦歌擁隊還消得年年洗兵

馬深溝淺壑助潺湲

臘雪不嚴春不暄軍威無素賞無恩誰知緩帶輕裘

者談笑猶能却吐番

先生力勦不和威是用戡

蠻巫繩卜巧占羊是處夷方是鬼方設教貴神君莫

訝岐山從此日焚香

事平里中有神賽先生大祠之以萃人心因俗美云

不迂來奔不拾遺先生自是丈人師廟謨已足酬西

顧敢獻元和聖德詩

先生軍中誓戒土人德之

嘉靖丙申秋嘉定彭汝寔拜書

平三溝蠻曲十首

鎮西橋北路白日望昏昏兩河飛毒矢五寨是遊魂

虎臣鳴盡角豕憲駕用輓蠻兒崩厥角絕嶂出降幡

孔明擒孟獲狄帥得儂高崑崙電炬洱海怖龍韜

千載留英蹟三城伏俊髦眼看行道充簞食豈徒勞

雉堞長寧堡虎隅來遠樓如何嵐氣掩不盡野人愁

金繒悲賈策肉食愧唐籌東吳一俊傑攬轡獨澄流

萬仞探彪穴三營結豹搏遠開雲鳥陣不見深淺溝

崩角奔遺孽繫纒泣老酋莫芟穰麥盡性命借淹留

井幕連松鎮江沱下汶關須才為保障此地屬難艱

氣倡三軍壯師迎六月還道傍舞衰白布褐有餘惟

電掃烏蠻窟雲開青草岑干戈看倒刃負戴莫驚心

溜索狐踪滅殘苔燐火侵康莊明月滿疋馬漢關深

群寨還周服彌山藝禹田何年吞噬便裂作大羊天

驛撤虛星使墩明有畫烟從今肅殺後

王道頌平平

何武遺英胄朱雲更好孫杜周皆俊偉義氣溢橐鞬  
勇捷揮星劍謀深運海源荒陬籍鎖鑰山躍水騰掀  
不見縻泉布而能定狗羗一從遭血刃誰敢復猖狂  
杖村歌周仕饑寒仰漢疆晝茅絢夜索乘屋哭聲長  
玉靈濯江漢戎誓戒春秋寄語臨邊將須為報

國謀廩祿思先世簪纓慕遠脩秋崖亦儒者抗志即  
戈矛

玉壘山人王元正

平三溝謠

嘉靖歲丙申季春日初九三溝蠻跣梁烏合崇岡阜  
架彼七稍砲逞彼山桑柎矢石若雨注人心若熏灸  
糧運渾不通商貨任其培長寧堡危哉籌策煩官守  
武夫圖暫安招撫意云厚或論持兩端令人事掣肘  
智者握其幾征勦議為首亟築比子城先事防不偶  
突如四月三群蠻來相毆仗此城半成可當萬夫剋  
一戰纔交鋒頭落我軍手魚散而鳥驚喪氣投林藪  
樓扁全勝樓北揭昭星斗城號小金城志載垂不朽  
夫何犬羊性詭計日相誘糾合犯猪蠻攘奪兩河口

奇計自此去多命死藥酒恠哉蠻兒命自視若雞狗  
跳梁日益滋攘奪仍依舊道梗幾三月我備事事有  
躬率三軍行三將聽指授時維五月終直上深溝陡  
擣彼巢穴空蹂彼穢麥畝始識我軍威且哭且奔走  
老幼盡呼天乞我饒罪咎混淺雨溝蠻望風崩角叩  
爭獻惡首頭冀我歸斯受不亡我一矢不費我糧糗  
取捷呼吸間有嘉獲匪醜

國威益張大蠻性收咆吼勦撫茲較之孰左而孰右  
我聞禦戎方幾定無可否彼既犯中華我勦奚可後  
彼若安夷分我撫未爲忸勦撫二字明文武才堪數

厥功繼五寨厥謀靡讓其全師收全功責任良不負  
今齊丁玉名古與德裕友桓桓六月師誅來太史叟  
嘖嘖群惟聲踴若獲珞玖軍曰我長城民曰我父母  
日升而月恒令譽同其久汶水而氓山奇勳並其壽  
但願繼繼推轂皆若人威茂風清紆我  
皇王西顧恂

汶川李延芳

克平番寨疏

巡撫四川等處地方都察院右副都御史潘鑑題爲  
克平番寨事嘉靖十五年七月十三日行據四川按

察司威茂兵備副使朱統分守松潘副總兵署都督  
僉事何卿協守松潘南路右叅將署都指揮僉事周  
繼勳疊茂遊擊將軍署都指揮僉事杜欽會呈督兵  
克平深溝等寨勦撫獲功緣由各稱云云捷報到臣  
案照本年三月十八日有副使朱統等呈報深淺渾  
水等寨逆番突出截搶糧運緣由前來臣即與巡按  
御史陸琳各行兵總叅遊等官統兵分布緊關墩堡  
相機撫勦間又據各官報稱各番占架山嘴不退乞  
發軍火器械策應臣等又嚴行都司解發及行都布  
按三司掌印等官集議兵糧四月初十日又據副使

朱統報稱各番糾合千餘去打長寧堡一半來犯茂  
州城官軍迎敵斬獲身穿描金甲番首一人餘賊多  
被殘傷奔劄山寨聲言定要添賞方退等因到臣當  
差武舉千戶孔仁前去賚畫并齎執火牌及巡按御  
史陸琳案行各着落叅將周繼勳住劄長寧堡遊擊  
杜欽住劄穆肅堡各整擗兵馬副使朱統居守茂城  
與副總兵何卿計議調度仍相機撫勦及嚴督修築  
茂州北門外城備禦去後隨據朱統等揭帖稟稱各  
番不時突出幸我兵糧有備死守封疆緣由前來除  
嚴督該邊兵馬奮拒堅守毋開賞議致貽後艱若果



有梗道路有犯墩堡容臣等調兵集糧相機撲勦俱  
經會本於本月十三日具題外續據四川按察司呈  
該本司署印副使龔亨會同布政司左布政使陸深  
右布政使衛道都司都指揮劉永昌守巡道右叅政  
張大輪副使歐陽必進計議兵糧行該邊相機勦撫  
務使渠魁就擒餘黨解散及發官銀二千兩前去支  
用又據朱統呈稱長寧一帶路梗疊溪糧運難進乞  
折價銀暫收茂庫解發等因允行外該臣與巡按御  
史陸琳看得前項逆番事始在於深溝各行兵總等  
官相機將該寨發兵除勦餘寨撫降認守地方容其

往來買賣生理仍聽卯以存約束及看各番北抵松  
潘南通威淮又行松潘兵備等官南北遏截臣節差  
千戶丘璽等齎執旗牌督勦深溝餘寨招撫不許故  
殺降黨及該御史陸琳移住灌縣一體督振軍威調  
度行勦又據三司議調叙瀘大雅等處漢土軍兵四  
千八百名調取間續准兵部咨該本部覆議題奉  
欽依移咨前來又經通行各官相機勦撫去後今據  
前因除會同將節次解到番級俱發按察司驗明發  
為害地方梟示擒獲番婦收候查處并投獻牛羊等  
項發茂州變價入官番器貯邊備用被傷軍兵給銀



醫治死者置買棺木尋屍給埋用過錢糧行兵備道  
查明造冊繳報查考原議調叙瀘等處軍兵停止及  
會行巡按四川監察御史陸琳外該臣議照疊溪北  
拒松潘南抵威茂守壘所以保蜀實為

朝廷緊關邊城但其地孤懸群番之中賊寨星羅俯  
瞰關堡以相殺為擄打以戰死為善終一有變動疊  
先受厄在昔西番盛時官軍莫之敢撻假賞羈縻今  
夕狼殄來日悖德公和私賂歲費萬餘朘生民膏血  
銷國家元氣歷歷邊事言之可悲嘉靖十二年仰伏  
天威克平五寨裁抑賞需邊事稍振歷今三歲警報

絕聞迺者深溝恃其雄黠無故抗威突出阻運近邀  
淺溝渾水岐山水磨以借聲勢遠結賴子兒立高黃  
脊魚巴豬黑水曆日白若羅打古羅多大小各姓寨  
番助釁猖狂敢肆虐毒恣橫殺軍窺城曾莫忌畏而  
又邀奪兵機公文以致傳報不通運道為塞糧餉折  
銀貯茂關堡忍餓待蘇施恩招降梗不服命蓋以五  
塞近挫饜饜失圖深溝獨雄姑誠一逞少得遂利舊  
燭再張不知阻運挾賞詞屬要求事既犯順罪實滔  
天茲幸仰伏

皇上德威之重卿相謨筭之成假臣等督處之便諸

將一呼群情響附不埃徵師之至即收焚奪之功巢穴既傾克醜隨潰卒之輸情納款全師以旋其餘助釁寨番獻甲不可獻牛羊不可直至獻馘而後待以不死若擒縱之由我者砍狗剝牛固彼常事斷指割耳實前罕聞此則勦不窮兵而撫寓於勦之中撫不用賞而勦行於撫之內蓋非得已之勦亦非不得已之撫也即今道路廓清關堡寧謐糧運長驅蜀天歡慶又况州縣得免賦車籍馬之勞市廛亦無行齎居送之擾較之五寨之捷尤收全功蓋非先有十二年之捷亦不能成今日平定之功非有今日平定之功

亦不能有光于十二年之捷也再試失利彼復何謀自今而後諸番知有

朝廷矣及照分守松潘副總兵署都督僉事何卿四川按察司整飭威茂兵備副使朱統腹滿經略動合機宜文武同心艱難共濟卿也戰伐久親威名素著再日克五寨今日克深溝所謂技之所嚮無不如意者也統則運籌之妙主議之堅到邊一年省錢糧幾及萬數行兵三月用軍餉未滿五千所謂盤根錯節方別利器者也協守松潘南路右叅將署都指揮僉事周繼勳疊茂遊擊將軍署都指揮僉事杜欽驍勇

俱雄威武各奮艱險不避矢石爭先提督長寧堡松  
潘衛指揮僉事龔銳舉方張不制之賊率素練敢死  
之兵血戰十餘軍無一損始則周繼勳星馳救援之  
力繼則何卿日添精兵之功幾仆而立卒獲渠魁濱  
死不回以需大舉論今日分兵取捷勞與衆同而連  
月抗敵保全功爲獨著成都後衛指揮同知曹克新  
茂州衛指揮僉事蔣啓松潘衛千戶張昊武舉舍人  
何希亮隴水頭長官司土官坤兒卜岳希蓬長官司  
土官坤元靜州長官司土官法保均有率衆先登之  
勞實闕出死得生之地茂州掌印知州吳潮茂州衛

掌印指揮使魯元忠威川千戶所掌印指揮僉事宋  
連寧川衛武舉千戶孔仁隨分經畫各效勤勞又照  
四川布政司左布政使陸深右布政使衛道按察司  
副使龔亨右叅政張大輪副使歐陽必進都司署都  
指揮同知劉永昌或殫思計議兵糧或同心慎嚴封  
守群策並行均有勞績再照巡按四川監察御史陸  
琳警報一聞心懷忠憤諮謀廣集志切除兇大秉肅  
清之威屢馳約誓之檄慰勞軍士以作其勇敢親駐  
邊城以助其威聲以致諸軍用命群醜銷魂厥功不  
可不錄如臣叨享

朝廷重祿濫膺地方重寄百凡邊務皆其常職固未嘗有分外之勞為可報稱也惟邊腹效力各官不加量獎難勸將來除指揮等官曹克新蔣啓張吳坤兒卜坤元法保吳潮魯元忠宋璉孔仁舍人何希亮并有功軍兵人等俱臣等犒賞外伏乞

皇上軫念萬里邊患勅下兵部再加詳議將有功人員量加獎勵內指揮龔銳行臣等賞勸唯復別有定奪緣係克平番寨事理未敢擅便為此具本專差承差李廷金親齎謹題請

旨

嘉靖十五年七月十六日具題奉

聖旨兵部知道欽此該本部覆議將何卿朱統厚加賞資以旌首功潘鑑陸琳等特加賞資以加其功等因奉

聖旨這番寨克平斬首俘獲數多各官效勞可嘉何卿朱統各賞銀三十一兩紵絲三表裏潘鑑陸琳并周繼勳杜欽龔銳各二十一兩二表裏陸深等各五兩一表裏其餘依擬欽此

右藏篋中十二年矣未嘗敢以聞於人茲奉

聖天子簡命開府浙閩任至重也而苦心掣肘憂議

畏讖真有中夜遶床之嘆蓋不苦於處事而苦於處  
人回思前事大小一轍乃萃為卷錄原行文移足之  
惜散帙殘編不盡當時辯論耳



國家圖書館, NATIONAL CENTRAL LIBRARY, TAIWAN, R.O.C.